



Kommuni Kujalleq
Postboks 514
3920 Qaqortoq

Uunga: Kommunalbestyrelsi

16. august 2016

Nal. nr./j.nr.: 2016-909-0008

All. nr./brevnr.: 44039

Sull./sagsbeh.: LARI/jh

Kommuni Kujalliup meeqqanik inuusuttunillu angerlarsimaffiup avataanut inissiisarneranut atatillugu ataatsimut misissuininnik unitsitsineq

1. Kommuni Kujalleq allakkatigut 23. juni 2015-imeersutigut nalunaarfigaara Kalaallit Nunaanni kommunit sisamaasut meeqqanik inuusuttunillu angerlarsimaffiup avataanut inissiisarnerat pillugu ataatsimut misissuinilungu aalajangertunga.

Kommunip j.normua 00.04.03-KO4-1-15 innersuutigaara.

Misissuineq allakkatigoortumik ingerlanneqartussaammat kommuni allakkatigut 23. juni 2015-imeersutigut qinnuigaara ukiuni siusinnerusuni angajoqqaatut oqartussaassuseqartut akuersisillugit angerlarsimaffiup avataanut inissiisimanerit pillugit paasissutissat erseqqinnerusumik taasanik allattuiffik uannut nassiuteqqullugu, allattuiffik taanna aallaavigalugu sulianik misissugassanik toqqaasinnaaniassagama. Kommuni Kujalleq siusinnerusukkut ilisimatitsivoq kommuni piffissami pineqartumi taamaallaat suliami ataatsimi angajoqqaatut oqartussaassuseqartoq akuersisinnagu angerlarsimaffiup avataanut inissiisoqarnissaanik aalajangiisimasoq. Taamaattumik kommuni suliami tassani allagaatit uannut nassiuteqqullugit aamma qinnuigaara.

Arlalippassuariarlunga nukingisaaruteqareerlunga angerlarsimaffiup avataanut inissiineq ataaseq pillugu suliami allagaatit 2. september 2015-imi ti-guakka, taakkuli qinnutigisannut tunnganatik suliamut allamut tunngasuup-put. Kommunimi angerlarsimaffiup avataanut inissiinernik allattuiffik 17.

september 2015-imi tiguara, suliamilu pineqartorpiani allagaatit 30. september 2015-imi tigullugit.

Aammattaaq kommuni allakkatigut 9. november 2015-imeersutigut qinnuigaara nukinginnartumik inissiisarnert pillugit paasissutissat ilassutissaanik nutaanik arlalinnik nassiusseqqullugu.

Allattuiffik qulaani taaneqartoq 17. september 2015-imi tigusara paasissutissat qinnutigisama ilaannaannik imaqarpoq. Taamaattumik paasissutissat pineqartut sulisuma ilaata piffissap sivisunerusup ingerlanerani oqarasuaattikkut kommunimit pissarsiariniarsarigaluarpai, uanga angerlarsimaffiup avataanut inissiinerit aalajangersimasut qulit pillugit suliat pineqartut tungavigalugit toqqarsimasanni allagaatinik nassinneqarumallunga kommunimut allakkatigut 3. december 2015-imeersutigut qinnuiginninnissama tungaanut.

2. Sermitsiap nittartagaani www.sermitsiaq.ag-mi allaaserisaq 15. juli 2016-imi tamanut saqqummiunneqarpoq, tassanilu allassimavoq Ilaqutariinnermut Naligiissitaanermut, Isumaginninnermut Inatsisinillu Atuutsitsinnermut Naalakkersuisoqarfiup suliasaqarfimmik nakkutilliisuaa Kommuni Kujallermi 2016-imi aprilimit majip tungaanut misissuisimasoq. Allaaserisami oqaatigineqarpoq nakkutilliisup misissuineri nalaani ilaatigut paasimagaa "meeqqat angerlarsimaffiup avataanut akuersissutitaqanngitsumik imaluunniit ingerlatsineri aalajangiinerit atuussinnaassuseqanngitsut tungavigalugit inissinneqartarsimasut".

Tamanna tungavigalugu suleqatima ilaata Kommuni Kujalleq oqarasuaattikkut 18. juli 2016-imi attavigaa, nalunaarfigalugulu uanga misissuineri unitsinniarlugu isumaliutersuutigigaa, aamma misissuineq pillugu inaarutaasumik nalunaarusiaq Naalakkersuisoqarfimmit tiguniariarukku apeqqut taanna pillugu aalajangiiumaartunga.

Piffissap taamaalinerani suliat qulit pineqartut pillugit allagaatit qaammatit arfineq marluk sioqqullugit kommunimut uannut nassiateqqullugit qinnutigi-

simasakka aamma kommunip nukinginnartumik inissiisarnera pillugu paasissutissanik amerlanerusunik qaammatit arfineq pingasut sioqqullugit kommunimut nassiuteqqullugit qinnutigisimasakka sulit tiguunngilakka.

Ilaqutariinnermut Naligiissitaanermut, Isumaginninnermut Inatsisinillu Atuutsitsinnermut Naalakkersuisoqarfik tamatuma kingornatigut qinnuigaara misissuineq pillugu nalunaarusiaq naammassippat taanna uannut nassiuteqqullugu. Nalunaarusiaq 15. august 2016-imi tiguara.

Nalunaarusiamit ilaatigut erserpoq pisut arlallit meeqqanik inuusuttunillu angerlarsimaffiup avataanut inissiiviusimasut nakkutilliisup paasisimagai, naak angajoqqaatut oqartussaassuseqartup akuersilluni atsiornera pigineqanngikkaluartuq, pinngitsaaliissummilluunniit inissiisoqarnissaanik aalajangiisoqarsimanngikkaluartuq. Suliat inissiinnermut tunngasut tamarmik misissorneqarnissaat nakutilliisup tamanna tunngavigalugu kaammattuutigaa, akuersissummik peqartoqarnersoq pinngitsaaliissummilluunniit inisoqarnissaanik aalajangiisoqarsimanersoq paasiniaanissaq siunertaralugu.

Nalunaarusiamut tassunga ilanngussamit aamma erserpoq Kommuni Kujalliup misissuinerup kingornatigut paasissutissiissutigisimagaa, tassalu inissiinnerit pillugit suliat pisunut naapertuuttunngortinneqarnissaat kommunip massakut suliniutigigaa, suliani tamani akuersinnermut uppersaatinik akuersissuteqartoqanngikkaluartorluunniit inissiisoqarnissaanik aalajangiinnernik peqarnissaa qulakkeerniarlugu.

3. Kommunip Kujalliup misissuinnerup peqataanera ajoraluartumik assut arriissimavoq. Tamanna naammaginngilluinnarpoq.

Ilaqutariinnermut Naligiissitaanermut, Isumaginninnermut Inatsisinillu Atuutsitsinnermut Naalakkersuisoqarfiup nalunaarusiaa atuareerlugu misissuinnerma ingerlatiinnarnissaa siunertaaruttutut isigaara. Kommuni Kujalliup angerlarsimaffiup avataanut inissiisarnerit pillugit suliat nutaamik massakut suliarineqalernerannik Naalakkersuisoqarfimmut paasissutissiinnera pingaartumik isiginiarpara.

Taamaattumik Kommuni Kujalliup meeqqanik inuusuttunillu angerlarsimafiup avataanut inissiinerit pillugit sulianik suliarinnittarnera pillugu ataatsimut mississuina unitsinniarlugu aalajangerpunga.

Suliarinninninnik unitsitsiniarlunga aalajangernera nittartakkakut tamanut saqqummiutissavara. Aalajangerneq tamatuma saniatigut 2016-imi ukiumoortumik nalunaarutinni eqqaaneqassaaq.

Allakkat ukua assilinerat Inatsisartut Inatsisinut Ataatsimiititaliaannut, Naalakkersuisut Siulittaasuata Naalakkersuisoqarfianut aamma Ilaqutariinnermut Naligiissitaanermut, Isumaginninnermut Inatsisinillu Atuutsitsinnermut Naalakkersuisoqarfimmut ilisimatitsissutitut nassiuppara.

Suliani marlunni Kommuni Kujallermit tigusanni allagaatit kommunimut u-tertillugit allakkatigut allatigut nassiuppakka.

Suliami matuma kingornatigut annertunerusumik iliuuseqaqqissanngilanga.

Inuulluaqqusillunga

Vera Leth
Vera Leth